

Mutsi we-Anesthesia nekulimala kwengcondvo. Sitatimende lesivela kaPACSA lesicondziswe kubatali



PACSA
PAEDIATRIC ANAESTHESIA COMMUNITY OF SOUTH AFRICA

Njengabodokotela (Paediatric Anaesthetists) sivamisile kubutwa imibuto lefana nekutsi, “nje lendlela lena yekwelapha (anaesthetic) angeke ilimate umntfwanami ingcondvo”? Tingcondvo tebantfwana tihlala tichubeke njalo nekukhula kanye nekushintjashintja ngekulandzela tinzawo lebatitfolo bakuto,ingabe kubalulekile yini kwati kutsi loluhlobo lwemitsi lesibaniketa yona ingashintja yini indlela lebabuka ngayo leyo ndzawo? Ngelishwa, kute imphendvulo lecondzile kuloku.

Lemphikiswano yacubuka lapho khona lucwaningo lwakhombakalisa kutsi kuniketa loluhlobo lwemutsi (anaesthesia) emagundvwaneni lamancane nasetimfeneni kwabangela kulimateka kwemitsambo engcondvweni, lokwaholela ekungakhuleni kahle kwato nebumatima ekufundzeni nekubamba kwengcondvo.

Manje-ke yini singasebentisi lemiphumela nasekuta etinswaneni nebantfwana?

Kwekucala nje, nanobe ungativa kanjani lesinye sikhatsi kodvwa bantfwana abesito tilwane. Tingcondvo tabo atikhuli ngekwelizinga lelilinganako nelemagundvwane, nekwelulama kwato natilimele akufanani nekwemagundvwane.Kwesibili, loluhlobo lwemutsi (anaesthetic) lolwatfolwa ngulamagundvwane naletimfene angeke lufananiswe nalolo lolutawutfolwa ngumtfwanakho. Lemitsamo netikalo temutsi lowasentjetiswa kulolucwaningo beyingetulu kantsi nesikhatsi lewayekelwa sona emitimbeni yaletilwane besisidze ngalokuphindzaphindziwe kunaleyo lesentjetiswa emitfolamphilo nasetibhedlela. Nelizinga lekucapha simo nekubuka tingucuko letiletfwa ngulomutsi alikasondzalani nakancane nalolu lolutfolwa ngumtfwanakho lomuhla.Ngako-ke lokucwaningwa kwetilwane, nanome kwevakalisa kukhatsateka nje, belufute kuchutjekiswa mbijana.

Lonkhe lolucwaningo lolwentiwe bantfu kute kube kunyalo luyintfo lesingayibita ngekutsi yintfo lebendlule kuyo “lingemuva”, lapho khona babuke emafayela aphambilini etigulane nalucwaningo lolweyamane naloluhlobo lekwelapha, kufundza nobe bumetima bekulawula imiva ekuchubekeni kwemphilo. Kwanyalo, tibe khona tinkhomba letikhombisa kufanana ekwemukeleni kwalomutsi (anaesthesia), kwemtimba, pheceleti, ngetinchubo letimbadlwana, kufundza kanye nekulawula imiva, kodvwa kute lucwaningo lolukhombise kutsi lomutsi (anaesthesia) ngiwo imbangaletingka. Loku kungabangelwa mhlawumbe kutsi bantfwana ngekweluhlukahlukana kwabo nangekutela kucwaningwa nekuhlindvwa lokwahlukahlukene bangabe banetinkinga nobe kugula lokungatiwa lokufihlakele lokungabavimbela ekutseneni bangafundzi kahle futsi bangakhoni kulawula imiva, njengekotalwa kungakefiki sikhatsi, kungahlaliseki kahle kwenhlitiyo, nekugula kwesikhatsi lesidze lokufanana nesifo semdlavuta nobe kugula kwetinsu, nekungeva kahle etindlebeni.Lucwaningo lolusha lwentiwe ngendlela letawukhona kuphendvula lemibuto. Nanobe lusachubeka, timphendvulo letitfolakele tikhombakalisa kutsi kubabete umehluko engcondvweni yemntfwana lotfole kwelashwa ngalendlela (anaesthesia) neliphahla lakhe lelingatange litsintfwe ngulomutsi. Kuyacinisekisa impela!

Kusibekaphi tsine loku, tsine sibatali nabodokotela (paediatric anaesthetists)?

- Asikunconoti kuhambisa sikhatsi sekuhlindza ngemasibomu, ngoba loku kungabanga bungoti. Besingeke sihlandze siphindze sinikete ngalomutsi (anaesthesia) kube bekungenasidzingo.
- Lapho khona tinchubo letimbalwa tidzingeke, kungaba kuhle kwenta konkhe loku sikhatsi sinye nangabe loku kuyakhonakala futsi kungeke kucitse sikhatsi.
- Kuhlindvwa ngaphandle kwalomutsi wekudzambisa buhlungu nekulalisa imiva kuyingoti kakhul.

Indlela leyentiwe kahle yalenchubo yekufaka umutsi (anaesthetic) nako konkhe kunakekela nekucopelela lokufanele, kubuye kwentiwe ngudokotela (anaesthetist) locecesheke kahle nangalokusezingeni, nalonelwati kulomsebenti wePaediatric Anaesthesia, kuyindlela lemela yekunciphisa bungoti lobusengakatiwa.

Nawudzinga lwati lolunye nobe unemibuto leminyane lengekho kulelebutwe lapha, siyacela ukhululeke ubute dokotela wakho (anaesthetist).

March 2019